

## **Naqqiut**

Naqqiut saqqummiussinnermut allakkiaq 25. oktober 2018-imeersoq taarserpaa  
(Oqaaseqatigiit siulliit marlut sisamaallu allannguuteqarput)

### **2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut**

(Inatsisartunut ilaasortaq Peter Olsen, Inuit Ataqtigiit)

#### **Akissuteqaat**

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

#### **Siullermeerneqarnera**

Naalakkersuisut qujapput Inatsisartuni ilaasortap siunnersuutaanut.

Naalakkersuisut paasissutissiissutiginiarpaat Ullukinneq decembarip 21-at Kalaallit Nunaanni  
pisortatigoortumik erfalasulerfittut nalunaarsugaareersoq ullut erfalasulerfissat pillugit  
Namminersorlutik Oqartussat nalunaarutaanni nr. 26, 11. november 2008-imeersoq malillugu.

Siunnersuusiortup siunnersuusiamini tunngavilersuutigisimasaasa ilagaat ullorsiutini  
ullukinneq nalunaarsorneqassasoq. Paasissutissiissutiginiarparpullu nalinginnaasuunngimmat  
suut ullorsiutini allaqqassanersut aalajangiiffigineqarsinnaanerat, ullorsiutinilu  
allaqqasussanut tunngatillugu tamanna isumaqatigiissuteqarnermut attuumassuteqartoq.  
Assersuutigalugu eqqaasinnaavarput juullikkut ullorsiutini allaqqasariaqarnerannut  
tunngassuteqartumik inatsisiliortoqarsimannngimmat.

Ullukinnermut tunngatillugu nalliuttorsiorititsisoqarnissaanut kulturimut attuumassuteqartunik  
aaqqissuussisartutuulli Namminersorlutik Oqartussat aningaasaateqarfiinut Tips- aamma lotto  
pulje B pulje C-mut kiisalu Kulturimut aningaasaateqarfimmut qinnuteqartoqarsinnaavoq.

Taakkua oqaaseqaatit aallaavigalugit Naalakkersuisut inassutigissavaat aalajangiiffigisassatut  
siunnersuut itigartinneqassasoq.